

根本说一切
有部毗奈耶
羯耻那衣事

佚名

文硕阁

wenshuoge.com

目录

关于我们	3
根本说一切有部毗奈耶羯耻那衣事一卷	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

根本说一切有部毗奈耶羯耻那衣事一卷

大唐三藏义净奉制译

尔时佛在室罗筏城。逝多林给孤独园。时有众多苾刍。在自来城。三月坐雨安居已。各持衣钵。诣世尊所。路逢泥雨。困于暑热。野草割身。遍皆流汗。渐次游行。至室罗筏城。时诸苾刍安置衣钵。洗足已。至世尊处。顶礼双足。在一面坐。世尊常法。见客苾刍来。共相慰问。汝于何处安居而来至此。白言。世尊。我等于自来城。三月安居已。而来至此。问言。汝等在彼安居。于三月中。得安乐住不。乞求饮食。不难得不。答言。世尊。我等三月安乐而住。饮食不难。我等从彼擎持衣钵。所经道路。泥雨艰辛。身形疲顿。渐来至此。世尊闻已。作如是念。我诸弟子雨安居竟。人间游行。擎持衣钵。路逢泥雨。极遭辛苦。形体疲顿。我今宜可令诸苾刍。得安乐住。并诸施主福增长故听诸苾刍张羯耻那衣。张此衣时。有五胜利。一无过十日犯。二无过一月犯。三无过经宿离衣犯。四唯著上下二衣。得人间游行。五得随意多畜长衣。复有五种饶益。一得别众食。二得数数食。三俗家不请。得往受食。四得随意多求衣。五始从八月半。至正月半时。经五个月所得财物。皆是羯耻那衣利养。如是开时。令诸弟子。得安乐住。即告诸苾刍。欲令汝等。得安乐住。并诸施主福增长故。雨安居众张羯耻那衣。获多利益。如前十种。如世尊说张羯耻那衣者。诸苾刍不知云何张衣。佛言。三月安居。众获衣物。应将作衣。先以言白。告众令知。大众应知。今夏坐苾刍众得此衣若大众乐者。令将此物。为众作羯耻那衣。至明日已鸣犍椎。集僧伽。言白已周。令一苾刍作白曰。

大德僧伽听。此衣是此处雨安居僧伽所获利物。僧伽今共将此衣。作羯耻那。此衣当为僧伽。张作羯耻那。若张衣已。虽出界外。所有三衣。尚无离过。何况余衣。若僧伽时至听者。僧伽应许。僧伽今将此衣。令某甲苾刍。当为僧伽作羯耻那。若张衣已。虽出界外。所有三衣。尚无离过。何况余衣。白如是。羯磨准白成。次当差张羯耻那衣苾刍。须具五德者。应可量差。所谓无欲爱患痴。知张与不张。若异此者。即不应差。如是应差。为前方便。众现集已。应先问能不能。云汝某甲能为僧伽。作张衣人不。若言能者。答言。我能。次一苾刍作白羯磨。差云。大德僧伽听。此苾刍某甲。乐作张羯耻那衣人。今为僧伽张羯耻那衣。若僧伽时至听者。僧伽应许。僧伽今差某甲苾刍。作张羯耻那人。此某甲当为僧伽。张羯耻那衣。白如是。大德僧伽听。此苾刍某甲。乐作张羯耻那人。今为僧伽张羯耻那衣。僧伽今差某甲。作张羯耻那人。某甲苾刍。当为僧伽张羯耻那。若诸具寿。听差某甲作张羯耻那人。此某甲当为僧伽张羯耻那者。默然。若不许者说。僧伽已听此某甲作张羯耻那人。此某甲当为僧伽作张羯耻那衣人竟。僧伽已听许。由其默然故。我今如是持。其次张衣苾刍应作白羯磨。当作羯耻那衣。

大德僧伽听。此衣当为僧伽。作羯耻那衣。此苾刍某甲。僧伽已差作张衣人。若僧伽时至听者。僧伽应许。僧伽今以此衣。作羯耻那。付某甲苾刍。白如是。羯磨准

白应作。

作羯耻那衣苾刍。制其行法。作衣之处。当须在前洗浣染治。割截缝刺。乃至刺三
两针共作。复须再三作如是念。此衣当为僧伽。张作羯耻那衣。现张作羯耻那衣。
已张作羯耻那衣。于此三心。但为后二。亦成作法。若不作者。得恶作罪。次至八
月白半十五日。其知事人应告大众。作如是白。诸大德。明日我当为众张羯耻那衣。
仁等各各舍旧持衣。来集某甲处。其张衣苾刍。于此衣上。布列名花。妙香熏馥
。鸣犍椎集众。言白复周。可将此衣至。上座前立。两手擎衣。作如是白。

大德僧伽听。此衣僧伽许张作羯耻那衣。我苾刍某甲。僧伽今差作张羯耻那衣人。
我某甲是张羯耻那衣。我以此衣。当为僧伽。张作羯耻那衣。如是三说。次舒张此
衣。上座前立。作如是语。上座存念。此衣僧伽许作羯耻那衣。我苾刍某甲。是张
衣人。我今为大众张此衣。上座答曰。善哉张衣。极善张衣。此中所有财利饶益。
我当获之。如是三说。乃至行末。皆作是说。善哉张衣。极善张衣。此中所有财利
饶益。我当获之。次复应知持衣人法。不持此衣。至大小便室。不入厨舍烟火之处
。不安置露地。不弃衣向界外。设暂出。不应经宿。持衣苾刍若不依行者。得越法
罪。其持衣人。既至正月十五日。应在众中。作如是白。大众应知。明日当出羯耻
那衣。仁等各各守持白衣。其有利物。大众应分。邬波离。请世尊曰。有几种人不
成张衣。佛言。有五种人。谓无夏人。破夏人。后夏人。求寂人张衣之时不现前者
。复有五种不成张衣。谓行遍住人。行遍住竟人。行六夜人。行六夜竟人。授学人
。大德。有几种人。但得财利。而无饶益。佛言。有五种人。谓无夏。破夏后夏。
求寂。不现前人。复有五种人。行遍住人。遍住竟人。六夜人六夜竟人。授学人。
此谓得利无饶益。大德有几种人。利益俱无。佛言。邬波离。有五种人。谓不见罪
被举人。重犯被举人。不舍恶见被举人。余处坐夏人。僧破已后非法律人。

时有众多苾刍。人间游行。遭贼劫夺。渐至室罗筏城。诸苾刍见问言。善来具寿。
行李安乐不。答言。何有安乐。所是衣物。皆被贼夺将。报言。具寿。今我此处多
有衣利。若出羯耻那衣。得与具寿共相分给。以缘白佛。佛言。苾刍若有贼缘。当
可为出羯耻那衣。应如是出。如常作前方便已。令一苾刍作白羯磨。大德僧伽听。
于此住处。和合僧伽。共张羯耻那衣。今有众多苾刍。被贼所劫无衣至此。若僧伽
时至听者。僧伽应许。僧伽今为此被贼苾刍。出羯耻那衣。白如是。羯磨准白成。
乃至结竟。既作法已。所有利物。受衣之人皆共平分。其所得衣。各随自意。分遗
被贼无衣苾刍。邬波离请世尊曰。大德。疏薄衣。恶衣。多结衣。纁麻衣。繖缘衣
。破故衣。犯舍衣。死人衣。此等诸衣合作羯耻那不。佛言。不合。

大德。石碾衣。及属别人三衣。及不满三五肘。或不割截。或不清净。或不差张衣
人。或在界外。得张衣不。佛言。不合。夏三月中所得衣。成张衣不。佛言得。若
夏三月了。所得之衣得作羯耻那衣不。佛言得。若更有众多法非法衣。准上文意应
知。

出羯耻那衣相。本有八种。云何为八。摄颂曰。

初决去不定 决定失去衣

闻出出界疑 望断同心出

云何决去失。如有苾刍。同在一处。受羯耻那衣。作衣已竟。于此无恋心。遂持衣钵。欲往余方。出界外。更不拟来。决意出者。是名决去失。云何不定失。如有苾刍。同在一处。受羯耻那衣。未作衣。遂出界外求衣。或未作衣。或已作半。于此利物。及以住处。或有恋。或无恋。或有望。或无望。更拟还作衣。或起疑念。是名不定失。

云何决定失。如有苾刍。同在一处。受羯耻那衣。未作衣。遂出界外求衣。作如是念。还来作衣。复作是念。我今出去。更不复来。亦复不能造支伐罗。是名决定失。

。

云何失去失。如有苾刍。同在一处。受羯耻那衣。未作衣。出界外造支伐罗。起首作衣。遂失其衣。是名失去失。

云何闻出失。如有苾刍。同在一处。受羯耻那衣。未作衣。出界外求衣。念言回还。我当作衣。去后大众遂便出衣。彼闻出羯耻那衣。心生随喜。善哉出衣。是名闻出失。云何出界疑失。如有苾刍。同在一处。受羯耻那衣。未作衣。苾刍自念。出界作支伐罗。若了若不了。或还不还。生如是心。出界便失。云何望断失。如有苾刍。同在一处。受羯耻那衣作衣。作衣未竟。出界求觅。拟还作衣。既至彼方。求衣不得。望心断绝。是名望断失。

云何同心出。如有苾刍。同在一处。受羯耻那衣作衣。出界外求衣。后还来住处。共众作白二法出衣。是名同心出。

根本说一切有部毗奈耶羯耻那衣事一卷